

-U

U G O V O R
o nabavci usluga obavezne preventivne dezinfekcije, dezinsekcije i deratizacije

izmedu:

Osnovna Škola "Zajko Delić" ul. Kenana Brkanića br.2 ID broj:
i
„Cosmosol Group“ d.o.o. Sarajevo, ul. Kromolj bb, 71 000 Sarajevo BiH, ID: 4201555400004, koju zastupa direktor, Davud Kadrić (u daljem tekstu: Izvršilac).

I PREDMET UGOVORA

Član 1.

Predmet ovog Ugovora je pružanje usluga obavezne preventivne dezinfekcije, dezinsekcije i deratizacije, koje će Izvršilac provesti u objektu Naručioca i koje su u skladu sa odredbama ovog Ugovora

II OBIM USLUGA I DINAMIKA VRŠENJA USLUGA

Član 2.

Naručilac naručuje, a Izvršilac se obavezuje da za potrebe Naručioca izvrši poslove: **dezinfekcije, dezinsekcije i deratizacije** u objektima Naručioca po pravilniku o DDD u Službenim novinama FBIH 30/16.

Član 3.

Izvršilac će sa obavljanjem usluga iz člana 1. Ovog Ugovora započeti odmah po potpisu ovog ugovora.

III CIJENA USLUGA I NAČIN PLAĆANJA

Član 4.

Ugovorne strane saglasno utvrđuju jedinične cijene usluga iz člana 2. ovog Ugovora i to kako slijedi: vrsta rada te cijena jednog rada:

**DEZINFEKCIJA – 30 KM,
DEZINSEKCIJA – 30 KM,
DERATIZACIJA – 30 KM**

U cijenu nije uračunat Porez na dodanu vrijednost.

Član 5.

Izvršilac se obavezuje da na ime uredno isporučene usluga iz člana 1. ovog Ugovora Naručiocu ispostaviti fakturu na plaćanje u skladu sa odredbama ovog Ugovora i ponudom.

Naručilac se obavezuje izvršiti plaćanje u roku od dvadeset dana, od dana prijema fakture.

Izvršilac je dužan izdati fakturu u skladu sa odredbama člana 107. Pravilnika o primjeni Zakona o porezu na dodanu vrijednost, ("Sl. Glasnik BiH", br. 93/05).

U suprotnom, ista neće biti plaćena i bit će vraćena Izvršiocu na uskladivanje u roku od 7 dana od prijema iste.

Rok za plaćanje počinje teći tek po prijemu ispravne fakture.

Uslovi plaćanja i drugi uslovi koje Izvršilac jednostrano unese u fakturu ne obavezuju Naručioča ni onda kada je fakturu primio, a nije joj prigovorio.

IV OBAVEZE UGOVORNIH STRANA

Član 6.

Naručilac usluga se obavezuje da:

- izvršiocu obezbijedi nesmetan pristup i druge uvjete u prostorima u kojima će se vršiti poslovi iz predmeta Ugovora, poštujući operativni plan i
- obezbijedi kvalitetan nadzor u toku vršenja usluga,

Izvršilac usluga se obavezuje da će:

- vršiti usluge iz člana 2. ovog Ugovora stručno, kvalitetno i na vrijeme, prema tehničko-tehnološkim standardima iz ove oblasti,
- obezbijediti potreban materijal i opremu, te njihov transport do mjesta gdje će se usluge izvoditi,
- nakon izvršenih usluga, ispostavi fakturu sa fiskalnim računom i potvrdom o izvršenim uslugama, koje potpisuju i ovjeravaju ovlašteni predstavnici naručioča i izvršioča,
- u slučaju bilo kakvih posebnih zahtjeva i rješenja od strane nadležne sanitarske inspekcije iz domena dezinfekcije, dezinsekcije i deratizacije, uz obostrano poštivanje odredbi ovog Ugovora, izvršilac svu odgovornost preuzima na sebe.

V TRAJANJE UGOVORA

Član 7.

Ovaj Ugovor se zakљučuje na neodređeno vrijeme i nastaje od dana potpisivanja ili do isteka ugovorene vrijednosti usluga iz člana 4. ovog Ugovora.

VI RASKID UGOVORA

Član 8.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 7 (sedam) dana unaprijed.

Naručilac može raskinuti Ugovor u sljedećim okolnostima ako:

- a) Izvršilac ne izvrši neku od ugovorenih obaveza,
- b) Izvršilac ne ispunji obavezu u roku navedenom u zahtjevu Naručioca.

VII PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obveza i odnosa koji nisu regulirani odredbama ovog ugovora, a koji nastanu u vezi i povodom izvršenja ovog Ugovora.

VIII RJEŠAVANJE SPOROVA

Član 10.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti sporazumno, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, nadležan je sud u Sarajevu.

IX STUPANJE UGOVORA NA SNAGU

Član 11.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim Ugovorom računaju se od dana stupanja Ugovora na snagu.

X ZAVRŠNE ODREDBE

Član 12.

Ovaj Ugovor sačinjen je u 2 (dva) istovjetna primjerka, od kojih Naručilac za svoje potrebe zadržava po 1 (jedan) primjerka, a Izvršilac usluga dva (dva) primjerka.

Za



Za "Cosmosol Group" d.o.o., Sarajevo



Datum: 13.10.2017.

01-1 346 //Y.

Datum: 13.10.2017..